

景明刻本
紀錄彙編

卷之四

四

紀錄彙編卷之十二
天潢玉牒

太祖高皇帝先世江東句容朱家巷人熙祖生於
宋季元初太后王氏二子長壽春王次仁祖淳
皇渡淮因家泗州太后陳氏四子長南昌王次肝
昭王次臨淮王仁祖年五十遷鍾離之東鄉天曆
元年戊辰龍飛濠梁九月十八日太祖高皇帝降
誕先是陳太后在麥場見西北有一道士修髯簪
冠紅服象簡來坐場中以簡撥白丸置手中太后

問曰此何物也道人曰大丹你若要時將與你一丸
不意吞之忽然不知何往及誕白氣自東南貫室異
香經宿不散後不能食 淳皇求醫歸有一僧奇偉
坐于門側曰翁何往 淳皇曰新生一子不食僧曰
何妨至夜子時自能食 淳皇謝許爲徒入家取茶
不知何往至夜半信然後十年遷鍾離之西鄉時至
正丁丑俄有一老翁造門曰你家有一龍時 太祖
正在側又遷太平鄉縣庄村復有一翁指 淳皇曰
好一箇八十公公到了歸仁德追封尊號年符其數
南昌王與其子山陽王相繼歿時家貧甚謀葬無所

同里劉繼祖慨然憫其孤苦與地以葬 淳皇先夢
於彼築室今葬長子 淳皇嘗言我家出一好人知
他小兒能成否至四年甲申 太祖年十有七 皇
考六十有四 皇妣五十有九俱卽辭世時遭疾疫
人事艱辛同葬于此今之 皇陵是也 太祖自念
嬰孩時多疾捨入僧寺及長 淳皇將許之 太后
不許因循未入釋氏疫癘旣侵遂請于仲兄師事沙
門高彬於里之 皇覺寺隣人汪文助爲之禮九月
乙巳也在寺居室夜有紅光近視弗見衆咸異之是
年旱蝗十一月丁酉寺主僧以歲歉不足給衆食俾

各還其家居寺甫兩月未諳釋典乃勉而遊食南歷
金斗西抵光息北至潁州崎嶇二載仍還於皇覺寺
久之見有紅衣道士在寺西北言這寺中有好人至
正乙酉也歲丙戌還舊里脩葺 淳皇 太后墳墓
經理穴壙潛居草野四載往來濠城有一奇士指
太祖言此非凡人因避而弗敢入城至正辛卯潁毫
蘄黃有警皆繫紅爲號壬辰春陷濠梁時元將至略
民爲俘隣境騷動 太祖爲訛言所逼懼禍將及出
爲元兵恐紅軍至欲入紅軍畏元兵至兩難莫敢前
於是 太祖禱於伽藍神兩不許一琰卓然而立後

至閏三月挺身抵濠城爲門者所執將欲害之人以告滁陽王郭子興親馳活之撫之麾下間召與語異之取爲親兵遂以女孝慈皇后妻焉未幾紅軍首帥彭趙以兵來駐濠王遂爲所制執王於獄太祖自軍歸曰再生父母有難可不赴乎遂入王家明日彭帥聞遣人釋之癸巳春城圍解太祖還故里收殘民數百獻於上官授爲鎮撫是時彭趙多凌辱人遂去數百人內率精銳者二十四人南遊定遠甲午夏雜處兵間染疾未瘥王聞義兵欲歸將說之太祖祖扶疾往卒說降之得其精兵三千六月取橫澗山

得軍二萬又襲元將營旣遁得其民兵男女七萬又
逐元兵駐師滁州仲姊駙馬引兒來從仲嫂亦至孟
嫂攜幼眷屬復完及彭趙東屯泗州挾王以往時
太祖方駐滁州遣人賂彭趙得縱歸明年乙未太
祖轉戰和陽會王卒遂併其兵納其次室之女六月
渡采石遂下太平宿于倉宇之下從兵不樂寧河王
開倉視之見其有積謂太祖曰事可基矣衆各乏
糧欲劫太祖傍有覺者以爲不可爾君富室未嘗
邀請今旣乏糧當可求食其所屬要糧太祖謂曰
你將名數來聽我調發皆與你糧一時人馬雲集有

顏頊者部下收戮之衆頗定太祖於是自溧陽破

也先於方山陸寨至正丙申蠻子海牙復以兵屯采石北南不通令開平王急攻破之悉俘其衆遂克建康守南臺大夫福壽爲亂兵所殺命爲棺衾以葬且表其忠致仕元臣徐元之年八十餘目不能視聞

太祖出入言語甚奇之陳以濟世之略每聽用焉發號施令禁無剽掠衆咸欣悅遂定都焉有勝兵十萬尋克鎮江廣德秋攻常州擒張士誠梟將士誠恐怖致具儀物太祖命中山王遇之丁酉春取常州宜

興長興寧國六月取江陰州攻常熟擒張士誠弟士

德以歸取安吉縣徽州秋取池州楊州戊戌春取婺
源州夏取嚴州秋取蘭溪州冬取婺州歲己亥取諸
暨州秋攻衢州元守將宋伯顏不花降又取處州元
守將石抹宜孫戰敗克之庚子攻安慶拔趙普勝水
寨敗陳友諒兵於池州九華山是年夏陳友諒復引
兵侵太平寇龍灣太祖預遣馮勝等合擊大破之
斬溺數萬俘獲七千友諒僅以身免遂取信州辛丑
秋九江陳氏僞都破之友諒退保武昌又安慶饒州
建昌皆下池州土人羅友賢據神山寨將與張士誠
連合數州震動命開平王討平之壬寅脩安慶城

太祖聞元將察罕帖木兒爲田豐所害嘆曰天下無人矣江西龍興路陳氏守將胡美歸附袁州守將歐祥降封袁國公副將黃彬爲叅政吉安龍泉縣彭時中降削平新淦州鄧明永新州周安山寨命都督

朱文

太祖往援撫定

其民將歸有顛者隨來曰告太平或醉或蒸或不與

飲食大飽復納一日又曰爾打破一箇桶爾做一箇

桶

此是

異言是歲秋

太祖親帥舟師千艘甲士十萬

由九江徃征友諒顛者隨之越撻之陽召問曰此行可乎應曰可更謂曰盖以難乎以手拂曰上面無他

的又謂你可偕行乎曰可有風諸軍捧舟泊岸顛無正語至湖口意在弃溺水中又復生來謁鞠躬舒頸曰你殺之謂曰且未殺縱爾去遂行莫知所之時與陳兵大戰彭蠡以夜繼日縱火棧焚舟風急火烈湖水盡赤其梟將張定邊遠走友諒中流矢斃士卒皆降甲辰春太祖親克武昌陳理降夏四月卽

吳王位秋七月取廬州守將左君弼叛去九月中興守將姜珏降平辰州周文貴潭州王忠信平江州王世明歸峽衡州皆下歲乙巳寶慶守將唐道隆遁陳氏守將熊天瑞以贛韶南雄降四月取安陸襄陽十

月克泰州張士誠所據者丙午春取高郵執守將俞忠梅思祖以淮安泗州降陸聚以徐邳州降宿毫安豐皆下皆士誠所有地也秋命諸將率浙西師次太湖擒張士誠將尹義張士誠聚兵於舊館連營拒守大軍破之得降卒六萬冬克湖州十二月杭州紹興皆下遂進圍平江改丁未年爲吳元年五月取松江平杭州李勝擒萍鄉州山寨易華秋九月克平江執張士誠籍其兵二十五萬南通州無錫皆下乘勢克台溫方國瑛赴海方國瑛以慶元降繼而國瑛等收詣京師就令廖永忠朱亮祖等南征閩廣中山王等

北伐是秋取沂州王信遁取嶧州益都老保降取鄆陽濟寧萊州濟南東平南征師入杉關取邵武東甌王由海道入福州是歲不記月日 太祖夢在微時暇遊居舍南見西北天上羣鳥如燕雀之狀大小數不可量蔽天而下又若鳩狀其中突出一仙鶴翔東南予回首顧之鶴失所在有青旛數行浮空而行旛過少頃西北天上有一朱臺四面有稜角周有闌檻色皆以朱黃繩四扯之上立二人如金剛口若宣揚之態忽臺南向見幞頭抹額者數人列坐中立三尊若道家三清之狀美貌脩髯人世罕見回顧於我仍

往西北向夢在微中歸造嫂曰適天神過此我必得罪出門乃換其景不在微時問天神何在傍曰朝天宮去矣急趨之行未久途又逢數紫衣羽士以絳衣來授我揭裏視之但見五綵問此何物道士曰有文理真人服予服忽然冠履俱備傍一道士授我一劍靶上如牙齒之狀特教我行未數十步東南逢皂衣禿袖者露首及兩肱二股首頂一竈兩耳怒目而往西北予在東南行見一小川川南北有房東西十餘間東宮衣青而立彼忽然夢覺此上帝明命之驗也明年吳二年戊申正月四日乙亥告祭天地卽

皇帝位于南郊國號大明改元 洪武追尊 四祖

廟立 皇后馬氏皇太子先是祝天曰如臣可爲民

主伏望 帝祇來臨天朗氣清惠風和暢如臣不可

至日當降烈風異景使臣知之舊臘以來雪雨連晝

市坵陰晦及告祭行事天氣澄霽風色和暢香霧上

凝下靄獨露中星此天開景運之禎也是歲爲 洪

武元年春二月諸將克延平執陳友定以歸建寧汀

泉興化漳潮皆下閩地悉平克東昌取汴梁元守將

李景昌遁走裕州郭雲降遂取河南嵩汝陝州皆下

進克潼關是月 上幸汴梁謀取元都四月取永惠

英德廣州道全柳桂林梧藤潯貴象鬱林諸郡皆降
七月海南海北咸歸附八月元都不戰而克元主北
奔師次太原時元將擴廓帖木兒兵尚盛中山王等
夜劫其營擴廓中傷宵遁平陽澤潞遼沁吉陽汾絳
蒲解州皆降二年己酉春諸將兵次大同元將竹真
棄城走河東平西入秦張良弼遁李思齊迎降奉元
鳳翔鞏昌臨洮皆下五月元將也速兵侵北通州命
開平王拒之遂擣永平略惠州獲元將江文清軍馬
以千數至大寧也速遁去進破開平元君深遁沙漠
追至北河俘宗王三人及平章定住等得軍萬人車